

# Nunatta Qitornai

## Inatsisartuni



18. oktober 2019

UKA2019/40

Iqalunnut timmisartukkut pisortat aallarnigaannik aqquteqaqqilissappat tapeeriutsit assig-iinngitsut qanoq ittut pisortanut, namminersortunut innuttaasunullu aningaasatigut kingunis-saasa takussutissartaannik kingusinnerpaamik UKA2020-imi Inatsisartunut agguanneqartussamik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.

(Aleqa Hammond, Nunatta Qitornai)

Nunavumiut peqatigitillugit kalaaliulluni allaasannginnami ilavut nunaqqativut peqatigalugit. Inuttut oqaatsivut atorsinnaavagut, nerisagut pillugit mamarsaqatigiissinnaavugut, atisavut aammalu ileqquvut assigipalullutik ataatsimoorneqarnermik misigisimaneq alutorsarnermik tunngaveqartoq takkuttarput. Tamanna meeraangaanni, inersimasuungaanni imaluunniit utoqqaagaluaraanniluun-niit assigiimmik sunniuteqartartoq.

Nammineq uanga inuusullinga imaluunniit inuusunnerumaarallarama Nunavumi naju-gaqarnikuuvunga annertuumillu inuunera siunissami qanoq iluseqassanersoq sun-nerneqaatigisimallugu. Inuttut nukittussutit, naleqartitat, pingaartitat, tullusimaarutit, nukissat in-uiattullu takorluukkat annerusut ataatsimut peqatigisarsimaneranit peqquteqaqaat. Tamanna misi-gisimasarsimasara nalunngilara aammalu Nunavumiut annertuumik uatsinnut isiginillutik taama-tut misigisartut ilisimavara.

Siornatigut timmisartukkut Nunavumut attaveqarallarmik takukulaarpugut, naapikulaarpugut aammalu ilinniartorpassuit paasisassarsiorlutik angalatillutik angallavik tamanna annertuumik ator-simavaat pissarsiaqaatigegisartakkaminik. Attaviup atorunnaarsinneqarnerani tamanna kipitinne-qarpoq, kingorna ulloq manna tikillugu uggoreqisatsinnik.

Taamaammat nalaattornerinnaanngilaq timmisartukkut attaveqarnerup atorunnaarsinne-qarnerani illi qasseeriarluni attaviup ammaqqinnejqarsinnaaneranut siunnersuutit oqaluuserisallu qaqlerneqartarput, amingaatigineqarmat kissaatigineqarmallu.

Timmisartuuusseqatigiip ataasiinnaap akisussaaffik nammakkaangagu kivittussaatillugulu an-ingaasatigut artukkiisoqartarpoq, sivitsunngitsorlu matusariaqarluni. Taamaattuaannarpooq First Air-ip ingerlammag uamma Air Greenlandip ingerlammag.

Nalilersuinermi isumaqarpugut pisortatigoortumik nutaamik suleqatigiissuteqarsinnaasugut. Avitseqatigiiitoqarpat qanoq kinguneqassagaluarpa, aningaasatigut qanoq akisussaaqatigiit-

# Nunatta Qitornai

## Inatsisartuni



toqarsinnaava, nittarsaassinnikut takornariaqarnermut susassareqatigiit suleqatigiissinnaappat, niuerneq siunissamut annerusumik iluaquserneqarsinnaava, kulturikkut paarlaaqatigiinnerit, aalisartut inuttaanik paarlaaqatigiinnerit, ilinniartitaanikkut isumaqatigiissutit annertusineqarsinnaappat imaluunniit takornariaqarnikkut nunarput maanna periarfissatigut nittarsaanegarnerulererata kingunerisaanik iluarnerusumik toqqammavissaqarnerulerpugut?

Isumaqpugut mittarfissualiortoqarniarmat taava suna tamarmi namminerisamik automatiskiusumik tikeralissasumik eqqarsaannaraanni piviusunik tunngaveqarpallaarnani eqqarsarnerussasoq. Sunaluunniit orniguffiusinnaasoq nutaaq pilertillugu nittarsaassineq aammalu attaveqarsinnaaneq ataavartoq, ukiunik marluinnarnik isiginngitsoq kisiannili siunissamut eqqanaarumasoq tunnavigalugu eqqarsartariaqartugut.

Naalakkersuisut takussutissiamik suliaqarnissaanik siunnersuut taperserparput isumaqaratta naggueqatitsinnut attaveqarnerusnissamik isuma anneruvoq aammalu kissaat anneruvoq utaqqimaarnerinnakkut nipangunneqarsinnaanngitsoq.

Taamatut oqaaseqarluta siunnersuut taperserparput ataatsimiititaliamullu ingerlatillugu.